

Broj: 01-02-1035/19
Sarajevo, 17.09.2019. godine

DOM NARODA PARLAMENTA FEDERACIJE BIH

n/r gospodina Tomislava Martinovića, predsjedavajućeg
n/r gospodina Aljoše Čampare, potpredsjedavajućeg

**PREDMET: INFORMACIJA O STANJU U ZD RUDNICIMA UGLJA KOJI POSLUJU U
SASTAVU KONCERNA JP ELEKTROPRIVREDA BIH D.D SARAJEVO, SA PREGLEDOM
REZULTATA U PERIODU 2009. – 2017. GODINE I ANALIZA UPRAVLJANJA
RUDNICIMA SA PREGLEDOM REZULTATA U PERIODU 2009. – 2017. GODINE**

Na osnovu člana 198. Poslovnika Predstavničkog doma Parlamenta FBiH, obavještavam Vas da je Predstavnički dom Parlamenta FBiH na nastavku 4. redovne sjednice održane 11.09.2019. godine, razmatrao Informaciju o stanju u ZD rudnicima uglja koji posluju u sastavu Koncerna JP Elektroprivreda BiH d.d. Sarajevo, sa pregledom rezultata u periodu 2009. – 2017. godine i Analizu upravljanja rudnicima sa pregledom rezultata u periodu 2009. -2017. godine i tom prilikom usvojio slijedeće

ZAKLJUČKE

1. Predstavnički dom Parlamenta FBiH prima k znanju Informaciju od Federalnog ministarstva energije, rudarstva i industrije o stanju u ZD rudnicima uglja koja posluju u sastavu Koncerna JP Elektroprivreda BiH d.d. Sarajevo sa pregledom rezultata u periodu 2009-2017 godina i Analizu upravljanja rudnicima sa pregledom rezultata u periodu 2009-2017 godina.
2. Zadužuje se Vlada FBiH da aktivnije pristupi prestrukturiranju elektroenergetskog sektora i ZD rudnika uglja, uključujući i postojeću organizaciju Koncerna u cilju da dugoročni poslovni planovi i razvoj rudnika budu u vezi sa potrebama termoelektrana, ostale industrije i potreba tržišta i o tome jednom godišnje izvjesti Parlament FBiH.
3. Zadužuje je se JP Elektroprivreda BiH d.d. Sarajevo da izvrši analizu sposobnosti za dugoročno održivo poslovanje za svaki rudnik uvažavajući tržište i tehno-ekonomsku opravdanost održivosti eksploatacije uglja u pojedinim pogonima rudnika (ekonomsko-finansijska, tehničko-tehnološka, socijalna i sigurnosna), te da na temelju toga predloži donošenje potrebnih odluka o dinamici zatvaranja neodrživih pogona kao i pokretanja kapitalnih ulaganja za nove kapacitete i nastavak planiranih investicijskih ulaganja.
4. Analizu sposobnosti za dugoročno održivo poslovanje za rudnike potrebno je završiti najkasnije do 31.12.2019. godine uz prijedlog za zatvaranje neodrživih rudarskih pogona, potrebno je planirati zbrinjavanje radnika istih pogona (premještanje u druge pogone, uplata PIO i penzionisanje, otpremnine itd.).

5. Obavezuju se Vlada FBiH, Elektroprivreda BiH i uprave rudnika da sagledaju mogućnost korekcije cijena uglja prema rudnicima formirane od strane Elektroprivrede BiH.
6. Obzirom da aktuelni Kolektivni ugovor o pravima i obavezama poslodavaca i radnika u oblasti rudarstva u FBiH prestaje važiti sa 11.9.2019. Predstavnički dom Parlamenta FBiH poziva socijalne partnere da započnu pregovarački proces usaglašavanja novog Kolektivnog ugovora.

S poštovanjem,

Dostaviti:

- naslovu
- predsjedniku i potpredsjednicima FBiH
- premijeru, zamjenicima premijera
- Vladi FBiH
- Predsjedavajućem PD
- potpredsjedavajućima PD
- sekretaru Doma naroda
- službi Doma naroda
- sekretaru Predstavničkog doma
- službi Predstavničkog doma
- a.a.

